

TalentCorp anjur Pameran Kerjaya Sektor Tumpuan Utama di UMP

Talent Corporation Malaysia Berhad (TalentCorp) dengan kerjasama Universiti Malaysia Pahang (UMP) akan mengadakan Pameran Kerjaya Sektor Tumpuan Utama (SFCF) dengan memberi tumpuan sektor kejuruteraan. Ini adalah kali pertama SFCF diadakan di Pantai Timur pada tahun ini.

Pameran berlangsung pada 9-10 Oktober ini di Kompleks Sukan Universiti, UMP di Kuantan, Pahang.

Pameran SFCF menjadi inisiatif TalentCorp meningkatkan keprihatinan kerjaya dan pemahaman industri selaras memenuhi objektif mengoptimumkan bakat rakyat Malaysia.


Pameran ini dibuka kepada orang awam dan kemasukan adalah percuma.

Pada pameran itu, graduan boleh mengambil peluang bersemuka wakil majikan secara langsung, mencari peluang kerja serta mendapatkan maklumat dan nasihat. Ia juga sangat baik menjadi tempat mengukuhkan hubungan rangkaian pada masa sama mencari-cari peluang kerja ataupun peluang tempat untuk praktikal kelak.

SFCF menyediakan landasan bagi graduan terbaik bersemuka dengan pegawai kanan syarikat peserta pada pameran itu.

Cari bakat berpotensi

Sementara itu, sektor kejuruteraan kini menjadi salah satu bidang yang membuka banyak peluang pekerjaan selaras pertumbuhan pesat



Program SFCF yang dianjurkan TalentCorp.

ekonomi di Malaysia.

Bidang kejuruteraan membabitkan banyak perkara dalam kehidupan sehari-hari kita daripada telefon mudah alih hingga kepadar kereta yang anda gunakan. Bidang kejuruteraan juga menjanjikan gaji tinggi serta peluang kerja yang pelbagai.

Selain memberi tumpuan kepada sektor tertentu, SFCF

j u g a
menye-
diakan
la n d a-
san ke-
p a d a
syarikat
menca-

ri bakat berpotensi daripada universiti dan kolej di Malaysia selaras permintaan industri.

Pameran dua hari itu turut menyelitkan Slot Seminar Kerjaya yang menjadi landasan generasi muda mengenali pemimpin industri terkenal dan Slot Couch Corner khusus kepada pelajar berinteraksi dengan syarikat

dalam suasana santai.

Bagi mendapatkan maklumat lanjut mengenai TalentCorp dan SFCF, sila lari laman web www.talentcorp.com.my atau www.facebook.com/SectorFocusedCareerFairSFCF.

TalentCorp ditubuhkan pada 1 Januari 2011 di bawah Jabatan Perdana Menteri dengan formula memudahkan cara inisiatif dan mencari mereka

yang berbakat selaras keperluan transformasi ekonomi negara.

Ketika ini TalentCorp bekerjasama erat dengan agensi kerajaan dan majikan dalam sektor ekonomi utama berdasarkan kepada tiga teras strategik iaitu memaksimumkan bakat rakyat Malaysia, menarik minat dan mengendalikan bakat tempatan ke peringkat global dan membina rangkaian bakat yang terbaik.

